



U P U T S T V O

o dopuni i izmjeni Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini

Sarajevo, maj 2019. godine



Na osnovu člana 2.9 stav (1) tačka 2, člana 2.2 stav (3) i (4) i člana 2.12 stav (2), (3) i (5) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine je na 35. sjednici, održanoj 08.05.2019. godine, donijela

UPUTSTVO

o dopuni i izmjeni Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini

Član 1.

U Uputstvu o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini ("Službeni glasnik BiH", broj 29/18) u članu 2. dodaje novi stav (5) koji glasi:

„(5) Član izborne komisije ne može biti lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, odnosno lice koje je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupština općine.“

Član 2.

Član 3. se mijenja i glasi:

„Član 3. (Izuzeci)

(1) Izuzetno od odredbe iz člana 2. stav (1) tačka b) ovog uputstva, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 2.000 birača upisanih u Centralni birački spisak ili ako je potrebno ispoštovati odredbe člana 2.14 stav (1) Izbornog zakona BiH.

(2) Izuzetno, ukoliko ni u ponovljenom postupku raspisivanja javnog oglasa nema kandidata koji ispunjavaju uslove iz člana 2. stav (1) tačka b) ovog uputstva za člana izborne komisije može biti imenovano lice koja ima završenu srednju školu, odnosno IV stepen stručne spreme.“

Član 3.

Ovo uputstvo stupa na snagu osmog dana od dana objavljivanja u „Službenom glasniku BiH“, a objavit će se i u „Službenim novinama Federacije BiH“, „Službenom glasniku RS“, „Službenom glasniku Brčko distrikta BiH“ i na internet stranici Centralne izborne komisije BiH www.izbori.ba.

Broj: 06-1-02-2-429-1/19
Sarajevo, 08.05.2019. godine

Predsjednik

Branko Petrić

